



Na osnovu člana 61. stav (2) Zakona o upravi („Službeni glasnik BiH“, broj 32/02, 102/09 i 72/17), člana 13. stav (2) Zakona o ravnopravnosti spolova u Bosni i Hercegovini („Službeni glasnik BiH“, br. 32/10) i člana 86e. Zakona o radu u institucijama Bosne i Hercegovine („Službeni glasnik BiH“, broj 26/04, 7/05, 48/05, 60/10, 32/13, 93/17, 59/22 i 88/23), direktor Agencije za antidoping kontrolu Bosne i Hercegovine **d o n o s i**

ODLUKU
O POLITICI NULTE TOLERANCIJE PREMA DJELIMA SEKSUALNOG
UZNEMIRAVANJA I UZNEMIRAVANJA NA OSNOVU SPOLA

Član 1.

Agencija za antidoping kontrolu Bosne i Hercegovine (u daljem tekstu: Agencija) opredijeljena je da osigura radnu sredinu bez seksualnog uznemiravanja i uznemiravanja na osnovu spola za sve osobe.

Član 2.

- (1) Niko nema pravo da seksualno uznemirava ili uznemirava na osnovu spola bilo koju osobu na radnom mjestu i u vezi sa radom.
- (2) Navedeno se posebno odnosi na:
 - a) Pravo na radnu sredinu bez seksualnog uznemiravanja i uznemiravanja na osnovu spola;
 - b) Obavezu reagovanja kada su druge osobe žrtve seksualnog uznemiravanja i uznemiravanja na osnovu spola;
 - c) Obavezu prijavljivanja seksualnog uznemiravanja i uznemiravanja na osnovu spola;
 - d) Pravo na povjerljivosti podataka disciplinskog postupka.

Član 3.

- (1) Seksualno uznemiravanje ili uznemiravanje na osnovu spola su zabranjeni zakonima Bosne i Hercegovine.
- (2) Ovim propisima je utvrđeno da seksualno uznemiravanje i uznemiravanje na osnovu spola postoji kada se radi o ponašanju koje je:
 - a) neželjeno;
 - b) verbalno, neverbalno ili neprimjereno fizičko ponašanje;
 - c) seksualne prirode ili na osnovu spola;
 - d) zastrašujuće, neprijateljsko, degradirajuće, ponižavajuće ili uvredljivo ili kojim se postiže takav učinak.

Član 4.

Agencija će preduzeti sve mjere utvrđene pozitivnim propisima kako bi se ispitale sve okolnosti vezane za seksualno uznemiravanje i uznemiravanje na osnovu spola na radu i u radnim odnosima, te će osigurati da osoba koja prijavi ova djela neće trpiti posljedice zbog te činjenice.

Član 5.

Svaka zaposlena osoba ima pravo podnijeti zahtjev ili prijavu za pokretanje disciplinskog postupka ukoliko smatra da je bila izložena seksualnom uznemiravanju ili uznemiravanju na osnovu spola.

Član 6.

Direktor Agencije će posebnom odlukom imenovati savjetnika/savjetnicu za prevenciju seksualnog uznemiravanja i uznemiravanja na osnovu spola.

Član 7.

Ova odluka stupa na snagu danom donošenja i objavit će se na internetskoj stranici Agencije www.ada.gov.ba.

Broj: 01-02-03-542/25
Tuzla, 16.10.2025. godine



Obrazloženje

I – Pravni osnov

Pravni osnov za donošenje Odluke o politici nulte tolerancije prema djelima seksualnog uznemiravanja i uznemiravanja na osnovu spola sadržan je članu 61. stav (2) Zakona o upravi („Službeni glasnik BiH, broj: 32/02, 102/09 i 72/17), članu 13. stav (2) Zakona o ravnopravnosti spolova u Bosni i Hercegovini („Službeni glasnik BiH“, br. 32/10) i članu 86e. Zakona o radu u institucijama Bosne i Hercegovine („Službeni glasnik BiH“, broj 26/04, 7/05, 48/05, 60/10, 32/13, 93/17, 59/22 i 88/23)

II – Razlozi za donošenje

Odlučujući razlog za donošenje Odluke o politici nulte tolerancije prema djelima seksualnog uznemiravanja i uznemiravanja na osnovu spola u Agenciji za antidoping kontrolu Bosne i Hercegovine proizlazi iz osnovnih načela utvrđenih Zakonom o ravnopravnosti spolova u Bosni i Hercegovini, kojim se uređuje, promoviše i štiti ravnopravnost spolova te garantuju jednake mogućnosti i ravnopravan tretman svih osoba, bez obzira na spol.

U skladu s navedenim temeljnim opredjeljenjima, Agencija za antidoping kontrolu Bosne i Hercegovine donosi Odluku o politici nulte tolerancije s ciljem osiguranja radnog okruženja u kojem neće biti nikakvog oblika seksualnog uznemiravanja niti diskriminacije po osnovu spola, za sve zaposlenike Agencije.

III – Potrebna finansijska sredstva

Za realizaciju ove Odluke nisu potrebna dodatna finansijska sredstva.

Tuzla, 16.10.2025. godine

PRIPREMIO:
STRUČNI SAVJETNIK
Elvir Mujkanović



SAGLASAN:
DIREKTOR
Dr.sc. Nikola Čiča